

103130

昌化縣志

昌化縣志卷之七上

經政志

祀典

洪武二年禮官言城隍之祀莫詳其始考張說祭荊州
 城隍文曰城隍是保毗庶是依則前代崇祀之意有
 在也今宜附祭於嶽瀆諸神之壇乃命加以封爵府
 爲鑿察司民城隍威靈公秩二品州爲鑿察司民城
 隍靈佑侯秩三品縣爲鑿察司民城隍顯佑伯秩四
 品冕旒衮章制各有差命詞臣撰敕文頒之三年詔
 去封號止稱某府州縣城隍之神嘉靖九年罷山川

從祀歲以仲秋祭旗纛日並祭都城隍之神凡聖誕
節及五月十一日神誕皆遣太常寺堂官行禮國有
大災則告廟在王國者王親祭之在各府州縣者守
令至之阮通志

國朝雍正六年奏准致祭

關帝神三代前後殿春秋二祭並五月十三誕日致祭
物銀一十五兩乾隆四年奉行照江西省例添銀二

十五兩冊檔

十三年奉行藉田收穫恭祀

先農神品物又粢盛穀四斗籽種穀一石

嘉慶六年奉行政祭

文昌帝君春秋二祭品物銀二十六兩六錢六分七釐俱

社稷壇

祭品

帛一黑 豕一 羊一 劔一 簠簋各二

邊豆各四 白磁爵三

祝文各壇廟秩祀春秋二祭祝文俱奉禮部頒行各省府州縣遵用

維

神奠安丸土粒食萬邦分五色以表封圻育三農而蕃

稼穡恭承守土肅農明禮時屆仲春敬修祀典庶秋

九松栢鞏磐石於無疆翼翼黍苗佐神倉於不匱尙
饗

祭儀

會典載社稷壇爲大祀歲以春秋仲月上戊日出王
於壇而祀之各州縣祭祀有府道同城者府道王祭
無則以牧令王之同城武職皆得陪祭先期齋戒祭
之日各官朝服禮生引王祭官至拜位通贊執事者
各司其事陪祭官各就位王祭官就位通贊瘞毛血
禮生引詣盥洗所盥洗畢引詣香案前贊迎神行三
跪九叩首禮興行初獻禮引詣

神位前跪奠帛獻爵叩首興詣讀祝位跪衆官皆跪宣
祝畢叩首興復位贊行亞獻禮引詣

神位前跪獻爵叩首興復位通贊行終獻禮如亞獻儀
贊受福胙引詣受福胙位跪飲福酒受福胙叩首興
謝胙一跪三叩首興復位贊徹饌送

神行三跪九叩首禮興贊司祝者捧祝司帛者捧帛
各詣燎所引詣望燎位焚燎畢揖復位贊禮畢肅退

風雲雷雨山川壇

城隍合祀

祭品與社稷壇同

祝文

維

神贊襄天澤福佑蒼黎佐靈化以流形生成永賴乘氣
機而鼓盪溫溫肅攸宜磅礴高深長保安貞之吉憑依
鞏固實資捍禦之功幸民俗之殷盈仰神明之庇護
恭修歲祀正值良辰敬潔豆籩祇陳牲帛尙饗
會典載風雲雷雨山川城隍俱爲中祀春秋二祭日
期由 部頒行合祀一壇祭之日出主於壇上風雲
雷雨位居中帛四山川位居左帛二城隍位居右帛
一皆白色祭儀與社稷壇同

神祇常雩壇

祭品與山川同

祝文

恭膺

詔命撫育羣黎仰體

彤廷保赤之誠勤農勸稼俯維蔀屋資生之本力穡服田甲

令爰頒肅舉祈年之典寅衷將事用申守土之忱黍稷惟馨尙冀明昭之受賜來牟率育庶俾豐裕於蓋

藏尙饗

會典載神祇常雩壇俱爲中祀歲以春秋仲月祀神祇壇孟夏祀常雩壇祭儀與山川同

先農壇

先農神位高二尺四寸廣六寸座高五寸廣九寸五分

赤地金字

藉田四畝九分在東郊外

各州縣藉田穀數詳載經政門

祭品

帛一色白

羊一

豕一

劍一

篚篚各四

籩豆各四

祝文

維

神肇興稼穡粒我蒸民頌思文之德克醜彼天念率育

之功陳常時夏茲當東作成服先嘯欽惟

九五之章歲舉

三推之典恭膺守土敢忘勞民謹奉儀章聿修祀事惟願五
風十雨嘉祥恒沐於

神麻庶幾九穗雙歧上瑞頻書於大有尙 饗

會典載先農壇爲中祀歲以仲春亥日致祭儀與社
稷壇同祭畢主祭陪祭各官更蟒衣詣藉田行耕耨
禮主祭官秉耒耜以佐二屬官一人捧青箱一人播
種農官俱右手扶犁左手執鞭各行九推九返畢農
夫終畝者官詣官廳更朝服望

節制行三跪九叩首禮畢各退

耕藉田器

農具一赤色牛一 籽種箱一青色

耕藉人役

耆老一名牛 農夫二名扶犁 童子六名唱明歌

厲壇

會典載厲壇為羣祀歲以清明日七月望日十月朔

日凡三祭先請城隍神為之主乃召無祀鬼神祀之

祭品用羊三豕三米三石香燭酒紙隨用有司行一

跪三叩禮道光十四年科道奏准節省經費案內裁

韋厲壇祀典各府州縣應支祭品銀兩扣解司庫

告城隍廟文

欽奉

皇帝聖旨普天之下率土之上無不有人無不有鬼人鬼之
道幽明雖殊其理則一今國家治民事神已有定例
尙念冥冥之中無祀鬼神昔有生民未知何故而沒
其間有遭兵刃而橫傷者有死於水火盜賊者有被
人強奪妻妾而忿死者有被人掠取財物而逼死者
有誤遭刑罰而屈死者有天災流行而疫死者有爲
猛虎毒蟲所害者有饑寒交迫而死者有因戰鬪而

殞身者有屬危急而有縊者有因牆屋傾頽而壓死
者有死後而無子孫者此等鬼神或終於前代或沒
於近世或兵戈擾攘流移於他鄉或人煙斷絕久缺
其祭祀姓名泯沒於一時祀典無聞而不載此等孤
魂死無所依精魂未散結爲陰靈或倚草附木或爲
妖作怪悲號於星月之下呻吟於風雨之中凡遇人
間合節魂杳杳以無歸意懸懸而望祭與言及此憐
其慘悽故敕天下有司依期致祭命本處城隍以主
此祭鎮按壇場鑒察諸神等類其中有爲良善誤遭
刑禍死於無辜者神當達於所司使之還生中國永

享太平之福如有素為宛頑身逃刑憲雖獲善終亦
出僥倖者神當達於所司屏諸四夷善惡昭報神必
無私除欽奉外香就牒移城隍獄神帛出獄幽以享
祭典久遠遵行

武廟

帛一色白 牛一 豕一 羊一 籩十 豆十
尊一

五月十三日祭品後殿不用牛餘同

帛一色白 牛一 豕一 羊一 酒一尊 果五盤

祝文

維

神浩氣凌霄丹心貫日扶正統而彰信義威振九州完
大節以篤忠貞名高三國神明如在徧祠宇於寰區
靈應丕昭薦馨香於歷代履微異蹟顯佑羣生恭值
嘉辰遵行祀典筵陳籩豆凡奠牲醪尙饗

祭儀

會典載武廟爲羣祀每歲春秋仲月上戊日及五月
十三日凡三致祭祭之日贊引官引承祭官進廟左
旁門贊詣盥洗所盥洗畢引至殿內典儀唱執事者
各司其事贊引官贊就位引承祭官就拜位立典儀

唱迎神司香官捧香盒就香爐左立贊引官引承祭
官就香爐前立司香官跪贊上香承祭官立接炷香
拱舉插爐內又上塊香三次畢贊復位承祭官復拜
位立贊跪叩興承祭官行三跪九叩首禮典儀唱奠
帛爵行初獻禮捧帛爵官捧帛爵

神位前奠帛官跪獻舉行三叩首禮退執爵官立獻畢
退讀祝官詣安祝文案前行一跪三叩首禮捧起祝
文立贊引官贊跪承祭官讀祝官俱跪贊讀祝讀畢
捧祝版至

神位前跪盛帛盒內行三叩首禮退贊引官贊叩興承

祭官行三叩首禮興典儀唱行亞獻禮執爵官獻爵
於案左畢退餘與初獻同典儀唱行三獻禮執爵官
獻爵於案右餘與亞獻同典儀唱徹選送神贊引官
贊跪叩興承祭官行三跪九叩首禮興典儀唱捧祝
帛香饌詣燎位捧祝帛香饌官各至

神位前俱跪捧祝帛官行三叩首禮捧香饌官不叩首
依序捧送至燎位承祭官退至西旁立候捧祝帛過
畢復位贊引官贊詣望燎位引承祭官至燎位前望
焚燎訖揖贊引官贊禮畢退

後殿祭品

案三